



**Claudii Fleurii Abbatis Historia Ecclesiastica**

Ab anno Christi 1521. usque ad annum 1525

**Fleury, Claude**

**August. Vind. [u.a.], 1769**

**VD18 90118472**

§. 60. Hæretici in Francia & Belgio castigati.

---

[urn:nbn:de:hbz:466:1-66495](#)

**Sæcul. XVI.** edidisset, ast illis reposuit Rex, quod  
A.C. 1523. cum eodem Olao in arenam descendente, ac de ejus doctrina disputarent; Verum id recusabant Episcopi, hosti tamen suo quemdam Theologum, nomine *Gallum*, opponebant. Diu multumque disceptatum de quæstionibus utrinque controversis, ac denique Rex Upsaliensem Archiepiscopum rogabat, ut novi Testamenti versionem Olao anæ oppositam edi curaret: Obstat tamen vehementer huic consilio Lincopinensis Episcopus. Talis fuit præsentis colloquii exitus.

## §. LX.

*Hæretici in Francia & Belgio castigati.*

**Sleidan.** in Interea Lutherana hæresis non modo  
*comm. l. 4. p.* septentrionales plagas infecit, sed  
 100. & 105. ad ipsas usque Gallias ac Belgium sese  
**Surius in** extendit: nam hoc anno die prima Ju-  
*comm. ann.* lii duo Fratres Augustiniani, quos Slei-  
 1523. **Raynald** hoc danus Joannem, & Henricum appellat,  
*ann. n. 116.* Bruxellis comprehensi, ad carceres du-  
 cebantur, qui primo coram hæreticæ  
 pravitatis Inquisitore de eorum fide interroga-  
 ti respondebant, quod ea crede-  
 rent, quæ in veteri novaque lege, nec  
 non in Symbolo Apostolorum contine-  
 tur; in his enim totam fidei summam  
 comprehendi ajebant: cum vero ab eis  
 que-

quereretur, an non item ea, quæ in **Sacul. XVI.**  
Conciliorum decretis, ac Sanctorum **A.C. 1523.**  
Patrum testimoniis comprobata essent,  
crederent, reponebant a se & illis, dum-  
modo sacris literis consona forent, fi-  
dem adhiberi: ubi autem Judex ab illis  
sciscitabatur, num crederent, læthalis  
culpæ reatum incurri ab eis, qui san-  
ctorum Patrum, ac summorum Ponti-  
ficium decreta violant? solum eos, qui  
Dei præcepta transgrederentur, gravis  
culpæ reos esse inquiebant.

Cum igitur hæc opinio fidei articu-  
los, ac noxarum caussas restringeret,  
proin hosce Fratres Lutheri secta inqui-  
natos sat manifeste proderet, ad pali-  
nodiam urgebantur. Ast recusabant illi,  
unde hanc suam pertinaciam vitæ suæ  
dispendio mulctabant; quippe pro more  
exauktorati, flammis demum exusti  
sunt.

§. LXI.

*Joannes Clericus fustigationis pæna  
Meldis castigatus.*

Eodem anno Joannes Clericus, sui o-  
pificii carminator, ac primus ex Mi-  
nistris, quos hi hæretici in Galliis ha-  
bebant, Meldis, unde ortus erat, com-  
prehensus est. Is quondam ad populum  
dicens, eo temeritatis est progressus,  
ut Papam Antichristum convitiaretur:

U 2

ut